

Atuartut pinngitsooratik atttartussaangitsut atuartussatut allatsittamerat atuartuujunnaartamerallu pillugu Namminersornerullutik Oqartussat nalunaarutaat

Meeqqat atuarfiat pillugu inatsisartut peqqussutaanni nr. 10-mi, 25. oktober 1990-imeersumi § 36, imm. 3 naapertorlugu aalajangersarneqarput:

Allatsinneq.

§ 1. Atuartoq ukiuni pinngitsoorani atuarfusussani atuareersimasooq atuartussanngorlugu allatsissimassaaq atuartup imaluunniit angajoqqaat, tak. meeqqat atuarfiat pillugu inatsisartut peqqussutaanni § 40, atuarfimmut nalunaarutigippassuk atuartup atuarnini ingerlateqqissallugu kissaatigigaa atuartorlu atuartussat aqqisa allassimaffiannut ilanngunneqarsimappat atuarninilu aallartissimallugu.

Imm. 2. Atuartussatut allatsissimaneq ullormit atuartup atualerneraniit naatsorsuutigineqassaaq.

Atuartuujunnaarneq.

§ 2. Atuartuujunnaarneq nalinginnaasumik pisassaaq atuartup imaluunniit angajoqqaat, tak. meeqqat atuarfiat pillugu inatsisartut peqqussutaanni § 40, namminneerlutik imaluunniit allakkatigut atuarfimmut nalunaaruteqarnerisigut atuartup ulloq erseqqinnerusumiik nalunaagaq aallarnerfigalugu atuarunnaarneranik.

Imm. 2. Atuartuujunnaarneq aamma pisinnaavoq skolenævnip aalajangiineragut najoqqutassiat makku malillugit:

- Ilinniartitsisut nakkutigissavaat atuartut ukiuni pinngitsoorani atuarfusussani atuareersimasut atuaqqittussatullu allatsissimasut atuartitsinermi peqataanersut.
- Atuartoq atuartitsinermi peqataasinnaangippat atuartup imaluunniit angajoqqaat, tak. meeqqat atuarfiat pillugu inatsisartut peqqussutaanni § 40, namminneerlutik imaluunniit allakkatigut atuanngitsoornermut peqqutaasooq atuarfimmut nalunaarutigissavaat.
- Atuartoq ukiuni pinngitsoorani atuarfusussani atuareersimasooq, atuanngitsoortarnerminut patsisissaviusunik patsisigisaminik nalunaaruteqarani qaammammi ataatsimi atuartitsiffiusut 20 %-ii sinnerlugit imaluunniit ullut tallimat sinnerlugit malitsiinnarlugu atuanngitsoorsimappat atuarfimmi pisortap tamatuminnga skolenævni ilisimatissavaa. Skolenævnip atuartoq imaluunniit angajoqqaat, tak. meeqqat atuarfiat pillugu inatsisartut peqqussutaanni § 40, nalunaarfigissavai atuartoq atuarfimmi atuarunnaartutut naatsorsuutigineqartoq, qaammatip ataatsip ingerlanerani skolenævnip

erseqqinnerusumik aalajangigaa malillugu atuarnini pitsaanerulersinngippagu. Atuarunnaarneq ullup piffissaritatut aalajangikkap naaneraniit naatsorsuunneqassaaq.

Imm. 3. Atuartoq atuarunnaarsimasoq, tak. *imm.* 1 imaluunniit *imm.* 2, ukiumi atuarfusumi tulliuttumi atuarnissamut allatsissinnaavoq, tak. § 1.

§ 3. Kultureqarnermi, Ilinniartitaanermi Suliffeqarnermilu Pisortaqarfik nalunaarummi aalangersakkat qanoq aqunneqarnissaannut maleruagassiorsinnaavoq.

§ 4. Nalunaarut atulerpoq 1. august 1991-imit.

Imm. 2. Tamatumunnga peqatigitillugu Kultureqarnermi, Atuartitsinermilu Pisortaqarfiup atuartut pinngitsooratik atuartussaangitsut atuartussatut nalunaarutigineqarnerat atuartuujunnaarnerallu pillugu kaajallaasitaa 2/83, 18. maj 1983-imeersoq atorunnaarsinneqarpoq.

Namminersornerullutik Oqartussat, ulloq 15. april 1991.

Marianne Jensen

/

Kaj Kleist

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut